



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 31. Arnulphi obitus. Ludovicus Rex Germaniæ.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

dicebatur, & clam omnibus ab Aurelia-
no ordinatus; sed contra referebant,
unanimes voce Clericorum populique
fuisse electum, sibi que invitis quorum-
dam præpotentium virorum arte ere-
ptum.

Ut his responderet, Joannes Papa
Clericis populoque Lingonensi scripsit,
se percepto consilio Episcoporum Colle-
garum suorum reddere ipsis Episcopum
suum Argrimum, non ut Judicium Ste-
phani Papæ Antecessoris sui vituperaret,
sed in melius mutaret, id postulante ne-
cessitate, cujus rei complures alii Ponti-
fices exemplum dedissent.

Ad Regem Carolum similem scripsit E-
pistolam, rogans, ut Restitutionem hujus
Episcopi curaret. Hæ duæ Epistolæ datæ
sunt mense Majo, Indictione undecima,
seu anno octingentesimo nonagesimo no-
no, qua tempestate Rex Carolus simplex
Franciæ saltem in Neustria solus impera-
bat; nam Regem Odonem Caroli æmu-
lum anno superiore octingentesimo no-
nagesimo octavo, die tertia Januarii fa-
cta abstulerant. Eum solemnī pompa
ad S. Dionysium Proceres condiderunt.

§. XXXI.

*Arnulphi obitus. Ludovicus Rex
Germaniæ.*

Hoc anno octingentesimo nonagesimo
nono

*Papebr. p.
152. Luitpr.
I. c. 12.*

Sæculum IX. nono vigesima nona Novembris obiit
A. C. 900. Arnulphus Imperator, postquam in re-
 ditu ex Italia paralyfi correptus plus in-
 tegro anno languisset. Piissimus Prin-
 cept peculiari devotione colebat S. Em-
 meramum (*) Ratisbonensem, cujus Ec-
 clesie præter alia dona Ciborium seu
 Tabernaculum, fastigio & columnis au-
 reis, & frontispicio gemmis ornato ob-
 tulit.

Anno sequente nongentesimo ineun-
 te Regni Optimates Forcheimie con-
 gregati Ludovicum filium defuncti Im-
 peratoris ex toro legitimo natum, pue-
 rum septennem, Regem salutarunt, &
 deinde Episcopi Germanie Arnulphi Im-
 peratoris obitum Summo Pontifici signi-
 ficarunt, data nomine Hattonis Archi-
 episcopi Moguntini, & omnium ipsius
 Suffraganeorum Epistola, in qua dice-
 bant: *Dubitavimus aliquantisper, quem
 Regem eligeremus, & timendum erat, ne
 Regnum in partes scinderetur; sed Deo
 disponente, ut pie credimus, unanimes fi-
 lium Domini nostri, ut ut adolescentu-
 lum, elegimus, & antiquum morem ser-
 vavimus, quo Francorum Reges semper*
 ex

(*) Abbas S. Emmerami Ratisbonæ, in quo
 Monasterio S. P. Benedicti filii hodieque pieta-
 te & scientiis florent, nostra ætate S. R. Imperii
 Principibus adscriptus est.

ex uno genere assumpti sunt. Ceterum, si id sine tua licentia factum, te hujus rei causam minime fugere; nimirum, quod Infideles in Provinciis inter te & nos positos grassantes, viam obstruant. Nunc vero, occasionem tibi scribendi nacti, rogamus, ut, quod egimus, tua Benedictione confirmes.

Sæculum IX.
A. C. 900.

Infideles, quorum hic mentio fit, viam, qua ex Germania in Italiam pervenitur, infestantes, Hungari fuere.

Subjungebant Episcopi: *Fratres nostri, Bavarix Episcopi, datis ad nos literis, conquesti sunt, quod Moravi, populus in Francos rebellis, jactent, se Metropolitam a te accepisse, quamvis semper Provinciae Bavarix juncti fuissent. Illud quoque ægre ferunt Bavari, quod ad te delati fuerint, cum Infidelibus fœdera pepigisse, & cum iisdem communicare consilia. Itaque rogamus, ut eos soleris, & Moravorum insolentiam reprimas, quippe, ut auguramur, multum sanguinis fusum ibit hæc seditio, & Moravi, velint nolint, Francorum potentia se subdere cogentur.*

§. XXXII.

Epistola Episcoporum Bavarix ad Pontificem.

Episcopi Bavarix quoque, videlicet, Theotmarus Archiepiscopus Juva-
viensis,